



Komisija za izbor članova Skupštine JKP Ušće d.o.o. Foča

Broj: 02-1-02-909-1/21
Datum: 10.11.2021.

Na osnovu člana 8. Zakona o ministarskim, vladinim i drugim imenovanjima u Federaciji BiH („Službene novine FBiH“, broj: 34/03 i 65/13) a u skladu sa Odlukom o utvrđivanju standarda i kriterija za imenovanje na pozicije članova Skupštine Javnog komunalnog preduzeća "Ušće" d.o.o. Foča – Ustikolina, Broj: 02-1-19-213/20, od 17.02.2020. godine, Komisija za izbor članova Skupštine JKP Ušće d.o.o. Foča, **objavljuje** :

**JAVNI OGLAS
za izbor i imenovanje članova Skupštine
Javnog komunalnog preduzeća "Ušće" d.o.o. Foča - Ustikolina**

I. PREDMET JAVNOG OGLASA

Objavljuje se javni oglas za imenovanje 5 (pet) članova Skupštine Javnog komunalnog preduzeća "Ušće" d.o.o. Foča – Ustikolina.

II. OPIS POZICIJE ČLANOVA SKUPŠTINE

Skupština preduzeća odlučuje o:

- Donošenju Statuta, njegovim izmjenama i dopunama,
- Raspodjeli godišnje dobiti i pokriću gubitaka, a po prethodno pribavljenoj saglasnosti Općinskog vijeća,
- Povećanju i smanjenju osnovnog kapitala,
- Osnivanju novih preduzeća,
- Planu poslovanja i investiranju,
- Etičkom kodeksu i poslovniku Skupštine,
- Usvajanju godišnjeg izvještaja Preduzeća, koji uključuje finansijski izvještaj i izvještaj revizora, Nadzornog odbora i odbora za reviziju,
- Promjeni oblika i podjeli preduzeća (uz saglasnost Osnivača),
- Naknadama članovima Nadzornog odbora i Odbora za reviziju,
- Ostalim pitanjima u skladu sa važećim propisima.

III. IMENOVANJE, RAZRJEŠAVANJE I MANDAT

Članove na upražnjene pozicije u Skupštini Javnog komunalnog preduzeća "Ušće" d.o.o. Foča - Ustikolina imenuje i razrješava Općinsko vijeće Općine Foča na prijedlog Komisije za izbor i imenovanje.

Članovi Skupštine Javnog komunalnog preduzeća "Ušće" d.o.o. Foča - Ustikolina Općine Foča imenuju se na period od četiri (4) godine.

IV. USLOVI

Kandidati za imenovanja na upražnjene pozicije članova u Skupštini Javnog komunalnog preduzeća "Ušće" d.o.o. Foča - Ustikolina trebaju ispunjavati opšte i posebne uslove koji su utvrđeni ovom Odlukom.

Opšti uslovi za imenovanje kandidata na upražnjene pozicije članova u Skupštini Javnog komunalnog preduzeća "Ušće" d.o.o. Foča - Ustikolina su:

- a) Da su državljani Bosne i Hercegovine,
- b) Da su stariji od 18 godina,
- c) Da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
- d) Da nisu pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
- e) Da nisu osuđivani za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oprostene kazne,
- f) Da im odlukom suda nije zabranjeno obavljanje aktivnosti na poziciji na koju se kandiduju,
- g) Da nisu izabrani dužnosnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH,
- h) Da nemaju privatni finansijski interes u reguliranom tijelu za koji se kandiduju,

Posebni uslovi za imenovanje na upražnjene pozicije članova Skupštine Javnog komunalnog preduzeća "Ušće" d.o.o. Foča - Ustikolina su:

- a) Da imaju najmanje srednju stručnu spremu,
- b) Da nisu predsjednici ili članovi u nekom od reguliranih tijela čiji je osnivač općina Foča.

V. DOKAZI

Kandidati za članove skupštine su dužni uz prijavu na ovaj konkurs da dostave kraću biografiju, adresu stanovanja, kontakt telefon te priložiti originalne dokumente ili ovjerene fotokopije dokumenata kao dokaz o ispunjavanju općih i posebnih uslova traženih ovim konkursom i to:

1. uvjerenje o državljanstvu,
2. izvod iz matične knjige rođenih,
3. ovjerenu izjavu koja sadrži sljedeće:
 - da nisu otpušteni iz službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
 - da se na njih ne odnosi član IX. 1. Ustava BiH,
 - da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima,
 - da nemaju privatni finansijski interes u javnom preduzeću u čije se regulirano tijelo kandiduju,
 - da nije predsjednik ili član u nekom od reguliranih tijela čiji je osnivač općina Foča,
4. uvjerenje nadležnog suda da nisu osuđivani za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršene, zastarjele ili oprostene kazne (ne starije od tri mjeseca),
5. uvjerenje nadležnog suda da im odlukom suda nije zabranjeno obavljanje aktivnosti na poziciji na koju se kandiduju (ne starije od tri mjeseca),
6. diploma o završenoj stručnoj spremi.

Prijave sa traženim dokumentima se dostavljaju lično ili poštom preporučeno sa naznakom: "PRIJAVA NA JAVNI OGLAS ZA IZBOR I IMENOVANJE ČLANOVA SKUPŠTINE JKP "UŠĆE" D.O.O. FOČA-USTIKOLINA - NE OTVARAJ" na slijedeću adresu: Komisija za izbor članova Skupštine Javnog komunalnog preduzeća "Ušće" d.o.o. Foča - Ustikolina Općina Foča, Ulica: Omladinska b.b. 73 250 Ustikolina.

Prijave koje ne sadrže propisano iz ovog oglasa odbaciće se kao nepotpune, odnosno neblagovremene, te se kao takve neće uzeti u razmatranje. Sa kandidatima koji uđu u uži izbor Komisija će obaviti intervju.

VI. NAKNADA ZA RAD


Članovi Skupštine javnih preduzeća imaju pravo na naknadu.

VII. OSTALO

Javni oglas ostaje otvoren 15 (petnaest) dana od dana posljednjeg objavljivanja ovog oglasa, a isti će biti objavljen u dnevnim novinama „Dnevni avaz“, "Službenim novinama Federacije BiH", na web stranici i oglasnoj ploči Općine Foča.

OBJAVITI:

1. Službene novine Federacije BiH,
2. Dnevni avaz,
3. Oglasna tabla.



Komisija za izbor članova Skupštine JKP Ušće d.o.o. Foča


Emir Duhović, predsjednik